



0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

deli 得力集团有限公司  
基字02260122号 No.6230



162269





登者

旭橋進級

火亦不小忍

心知幾高相

古今

送李交赴...

形勝三秦重全境... 上游先生吾為...

侯白石... 直北... 何敢...

關州

某明... 意欲乞休...





蠻看

圯橋進履

大才不小忍。智勇那深沉。他日赤松意。還師黃石心。知幾高相國。度量薄淮陰。一進圯橋履。畱侯亘古今。

送李友赴蘭州新任

形勝三秦重。金城更上游。先生善爲政。克國此封侯。白石臨邊險。黃河直北流。西羌何敢逼。飛將在蘭州。

某明府以他事不獲上官意欲乞休故作此



以慰之

才高易得罪。廉吏自宜民。君却黃金夜。誰為青眼人。  
微官須磬折。直道合清貧。宵旰憂勞日。時主自將北  
征毋謀自便身。

二

教養多經術。惟君得至情。三才八斗足。萬里一官清。  
有士皆絃誦。無民不鑿耕。聖王明且達。肯負爾生平。

錢

揮霍稱豪傑。能平世不平。牀頭十萬貫。呼諾百千



聲力可驚神鬼。人都由重輕。誰云銅是臭。舍此孰  
爲情。

詩成

逃名身自泰。心靜覺前非。貧士最爲樂。詩成及第  
歸。推敲入細處。寢食亦忘機。傳與千秋後。吾神有  
所依。

冒雨友人相招遊湖

冒雨乘遊興。扁舟一葉輕。湖光深霧隱。山勢密雲  
平。蘭棹遲荷浦。微聲出步兵。主人多傾蓋。豪醉獨  
詩成。

二  
爲愛湖光好空濛烟雨間風調清細樂雲暗有無  
山根未携衾枕豪呼忽夜闌天能假星月我肯踏  
泥還

送梁五祭

萬里送君歸維揚願尚違斜陽慵折柳岐路把征  
衣青白時多態琴書事總非干將化龍日一笑釣  
魚磯

二

桑麻堪自老雞黍可畱賢世上無名氏人間第一

仙灌園花作主醉草硯爲田鼓瑟齊門者千秋空  
自憐

愁甚

終宵常獨坐。愁思轉如燠。一夜白新鬢。從來黑未  
甜。興戎惟出口。近日亦知箝。細數生平事。形骸每  
自嫌。

除夕和十唐人

駱賓王

臘同寂寞盡衰力尚風塵旅思今朝夕他鄉元旦  
春雪飛炎徼少霜落鬢邊新奴僕知時候涼涼若

個親

孟浩然

咄咄只空書天涯無定廬乾坤爲客久詩酒畏人  
踈歲失三更夕心傷半世除明朝鈞運轉造化自  
盈虛

杜甫

守歲憶吾家紅梅空綻花畫堂誰入室巢樹徧啼  
鴉客夕除深醉星河影欲斜又經多一歲依舊在  
天涯

丁仙芝

親識他鄉少何人叩竹扉桃夭溟臘去梅落舊春  
歸劔氣浮南斗星光動少微故園如隔世燐火照  
萱闈

戴叔倫

絕城浮家久鄰居似至親友朋知野性跪拜怨羈  
人歲月驚過眼行藏難定身蒼穹喜公道有脚到  
陽春

王諲

已惜江湖老年華更矢催紅顏輕世出白首未歸  
來寒臘傷遲暮陽春空復回烟波負漢叟少壯欲

鹽梅

韋莊

唾壺敲欲碎殘蠟剪還頻太息生平事何堪孤子  
身斛愁降斗酒白髮耐青春漸喜逢迎絕無名號  
野人

曹松

才名轟宇宙天上未應聞焚柏多心禱低頭嘆夜  
分窮難送赤骨文不置青雲必欲驅貧賤浮槎乞  
呂君

劉禹錫

三更分兩歲，隻鬢雪如何。此後光陰少，從前虛度  
多。謀歸無穩便，浮客任蹉跎。百次能除夕，吾生已  
半過。

羅隱

坐失鄉關夢，挑燈酒自傾。力無通夜醉，愁不解殘  
更。逢世才原拙，中年氣欲平。宵長如一歲，且喜曉  
星明。

元旦

化日公天下，春光到夜郎。拙難工世故，窮欲富文  
章。昨夜更三鼓，新詩和十唐。趨時成懶癖，元旦正

義皇

二

宿酒濃春睡門關堅不開面謀投刺滿枕上到家  
回枉駕遺名字攢眉怯往來明朝勞拜跪蓄銳且  
啣盃

三

揖讓喧塵市趨蹌甚苦辛髮欺頭上白骨硬老來  
人有命須知賤無管不去貧崎嶇將歷盡何處可  
謀身

四



心事欲沾巾形隨影至親老羞懷賤刺臣壯不如  
人耐久詩書味。禁銷天地春。陽和今日轉。躄屈定  
能伸。

生日感懷

賤辰稠涕淚慚愧祝青春慈母堂終老先君客化  
燐地將逼外域天欲老逋臣何日還鄉塾隻墳合  
至親

二

生時天正泰世路盡寒霜少壯雲浮過衰殘項更  
強神龍羞尾見老馬怯途長進士唐詩取襄陽放

故歸

三

友朋頻勸酒破涕一啣盃  
涉盡江湖險慚非舟楫  
材五官生老病七竅死  
燃灰罔極酬無及肝腸若  
塌摧

四

嶮巖生平事酸辛每自讎  
如何方寸小堪得許多  
愁身世隨南極昏朝上  
北樓遙瞻斗杓下有母一  
荒丘

五

故國路無阻他鄉人未畱年年說江左歲歲繫梁  
州蓬島神仙客雲臺萬戶侯兩謀都未得不覺白  
盈頭

張子蕃招飲虛凝庵看茶花

為愛茶花好張芝壺挈來色欺詞客醉笑向賞心  
開昨夜知予到東風着意催枝頭灼灼艷千古孰  
栽培

二

艷質絕南滇枝頭春正然紅刪絳桃淺氣奪牡丹  
先四美名花下一金貧士筵幾番經劫火呵護有

神仙

喜晤吳友送歸東吳

海內稱才子如君我欲臣詩曾千首讀交足廿年  
神喜握南溟手吾將北面親呼童浮大白不許數  
歸辰

二

未識先生面新詞欲頡頏仙才供奉李風度曲江  
張懷放千杯醒詩爭一字長當謀十日飲心折老  
夫狂

三

我亦江東產君歸我夜郎幕辭連帥府  
吳友辭方伯幕而歸  
貧具俠人腸白髮著書叟青春還故鄉飄然踏花  
去折柳意蒼茫

四

宇宙聲名大君才天縱之韓文起衰日杜律霸唐  
時故國風流地終身我繫思他年歸白社旗鼓讓  
相知

五

虎踞龍蟠地文壇到主人懷開惟白雪歌出壓陽  
春萬里情深處三更月一輪從來無別淚不覺欲

沾巾

送梁五蔡東歸并訂結鄰同隱

離思足通宵。驪歌魂欲銷。相逢知有日，難別是今朝。  
客路春花去，鄉書秋月遙。夕陽揮淚眼，猶欲挽征輶。

二

萬里一詩囊。送君出夜郎。山高連鬼宿，天險入羊腸。  
風雨春泥滑，江湖星月涼。舟車好調攝，書信數相將。

三

反復言無已還遲落照行此時戀携手昨夜坐殘  
更制淚一聲別潛然動至情客懷當自放百日是  
歸程

四

深隱堅吾願。雲窩仗爾成。敲詩磨性急。養病喜時  
清。高卧能消世。幽居乞過生。祇求藏拙處。原不欲  
沽名。

五

邃奧無人處。雲山蔓薜蘿。終年無客至。倒屣只君  
過。濁酒酣天地。幽香足芰荷。績麻兼治圃。士女各

分科

六

生都堪自治獨我苦餘生農圃衰無力詩文難代  
耕婆娑須早起分撥好支撐泉細花間出君來聽  
水聲

昆明送吳友歸燕都

君歸故國去侯甸歷要荒鳥道三春雨燕京萬里  
鄉雲多生馬足霧重滑山梁羸得頭都白今朝出  
夜郎

二



不幸逢豺虎無端觸禍樞僕童驚散盡行李着肩  
無剝及牀膚痛呼將骨髓枯若非神鬼力一命絕  
須臾

三

君無縮地法破夜到幽燕向膝嬌兒到能醫老眼  
穿英雄還在壯事業失從前速奮秋鵬翮買臣正  
此年

四

燕都宅在否江左我無家朋友蘭如臭兒郎梅未  
芽生平幾許事頭白一同嗟先着祖鞭去予方天

一涯

五

異鄉惜老友岐路手難分  
淚眼隨征騎淒風立夕  
曛平時勸君去頃刻此心  
焚明月思予夜哀猿豈  
忍聞

遣懷

不語挑燈坐呼童進一觴  
眇躬無着處酣酒欲成  
鄉陰雨天恆變炎涼古所  
常放懷明月下莫負甕  
頭香

二

制淚不忍下，恐驚門內人。  
傷從心裏耐，語向夢中  
真。逆旅成鄉國，知予獨鬼神。  
閒愁千萬斛，四海一  
孤身。

三

未能辭世路，一聽世浮沉。  
白乃時流眼，青須結納  
金。飽經離亂後，難定故人心。  
惟有三春燕，年年送  
好音。

四

性迂學更拙，只合守青岑。  
人向遐方老，山尋何處  
深。竹溪風弄月，松壑韻成琴。  
此種清幽趣，髫年想

到今

五

爲愛山深好、難祛猛虎行。虎神知數命、山奧少人  
情。花竹堪供老、桑麻僅可生。吾才合幽晦、長謝世  
公卿。

六

未遂居山願、吾懷何日開。青春世難過、白髮歲添  
來。每夜家萬里、深更酒一杯。雲林清賞處、還在鳳  
凰臺。

七

身世幻浮雲，烟霞思甚殷。老難勝酒力，愁不退微  
醺。學失三冬足，才慚八斗分。生涯原自拙，羞作送  
窮文。

八

肝膽向誰傾，鄉人愿得名。腸惟熱處冷，氣涉世能  
平。稼穡懷無璧，唐虞時更清。同風情一概，吾自守  
吾耕。

九

世路攻吾短，人情地欲波。尤招納交後，怨起受恩  
多。養病宜山水，沉機息薜蘿。衰年最樂事，葦戶少

人過

十

水曲山深處，園林占遠空。  
春歸蘋草綠，雨着海棠紅。  
愛月常中酒，知秋先入桐。  
幽居良不易，心逸日無窮。

贈王登山

卧病常扃戶，多君枉駕誠。  
全忘公子貴，如對故人情。  
草野心無事，詩篇時漫成。  
功名乘少壯，詞賦誤生平。

遣懷

身賤吾容懶名微戶可扃時消鍊字苦頤解讀書  
惺秋月通天白陽春匝地青萬方同景象客慮付  
清醪音陵

二

年華過五十已半在天涯滇國浮居定江南似外  
家病思秋裡鱠渴想雨前茶最愛蘆花月輕舟泊  
淺沙

三

亦有烟波艇昆湖每往還水寬多得月船走似移  
山野曠眼全豁羈愁客一刪翻思畫溪上鷗鷺自

閒閒

四

身世如春夢。詩成酒自斟。名能天地晦。心醉聖賢  
沉。鶯滑花間語。琴悠月下音。清幽隨處賞。何必萬  
山深。

五

天地無窮事。風光自古今。閒能批月色。靜得察桐  
音。春炫花殷富。秋開菊變金。世人能領畧。誰不早  
抽簪。

憶古人張集庭



百年難再見，洛社久空羣。  
誰和陽春曲，徒修天上文。  
長城推五律，草聖掃千軍。  
一去青冥裏，三年思白雲。

二

把盞常流淚，詩時見君天。  
憐吾子意仙，絕世塵氛通。  
夜酣醇酒終，朝細論文一。  
從跨鶴去，誰復過殷勤。

喜晤姚州尉方立三，卽奉使入都順道歸省。  
盛時才自盛州尉，亦才人。  
茹蘗能捐俸，微官難庇身。  
捉襟仍露肘，長跼失頭巾。  
萬里逢知己，論文賞

最真

二

親老謀貧仕三年志願違頭翻羸雪白祿弗及慈  
闈袖滿風難拂家因公得歸聖王當夢卜豈老故  
山薇

挽王烈又端姐

偕老違吾願。從容別兩親。繡幃空合卺。父命許終  
身。一死香生骨。千秋義動神。誰爲君子後。羞作未  
亡人。

二

不是輕身世。依親豈可長。兒年未及笄。父鬢欲成  
霜。苦節終何着。傷心好是亡。隨夫割慈愛。血淚灑  
衣裳。

三

死義非容易。情深未可知。如何一處子。慷慨不移  
時。浩氣歸天上。丹心與日宜。乾坤存大義。豈必在  
鬚眉。

贈真定尹王靖共

百里借才奇。文翁無不宜。字人呼父母。風雅稱儒  
師。况有腸中熱。能令海內知。終為社稷器。端拜鳳

凰池

螳川

一片玲瓏石、螳川曲折流、洞藏天有竅、山入水如  
浮、此處開三徑、寧殊住十洲、何當車馬客、絡繹任  
淹留、

二

山勢號連然、如圍帶一川、水流依岸曲、洞竅達天  
圓、平野高秋月、垂楊漁火船、從來賞幽意、丘壑此  
中偏、

飲王太守署賦贈

太守亦金陵人

文物風流地吾鄉第一家相傳弈世業才獨大夫  
誇上客多寒士開樽每月斜如泥揀一醉知已在  
天涯

二

殷勤如弟昆深坐失黃昏醉客分良馬金吾不禁

門時城守王將軍在坐夜春風飲醇酒春間太守

秋雨飯王孫不遇文翁厚何嘗輕受恩

賀永昌王分藩陞楚學使

惟楚多才地文衡不易持風流仙作骨天子命爲  
師六詔甘棠樹三湘桃李枝冰心並鐵面白雪自

相知

二

文運起誰扶如君真孔徒風清點蒼秀冰鑑洞庭  
湖李下無蹊徑鮫宮盡貢珠訐謨思稷契章句小  
人儒

送友人歸江東

送子歸江東飄零我未終智因窮處短氣羨壯年  
雄鳥道多風雨天涯一老翁前程須努力心事別  
離中

送潘又安進京候選

公子將爲政。如何是字人。嚴君治戎日。一體愛兵  
民。勤慎真能吏。清廉莫畏貧。前程畫麟閣。世世作  
良臣。

自述

無才誰受怨。未敢受人恩。骨向乾坤傲。心期山水  
論。問家隨處是。入世已忘言。豈必尋丘壑。終身學  
杜門。

予將有東北之遊。留別同學諸子

秋色滿江湖。驪歌酒百壺。出門誰定處。長嘯似狂  
夫。書劔半生苦。風塵一事無。不流家室淚。難別是

吾徒

二

木葉脫高風橫秋劍氣東天涯還作別地迥幾時  
同技愧逢人拙途應到處窮祇求買鄰舍學稼老  
山翁

三

行役老吾身山川似至親火流驚落葉寒薄欲欺  
貧對月思鄉國看雲憶故人吾儕多不偶岐路一  
沾巾

四



賀賀失生平衰年萬里行不甘名沒世竟至老無  
成別淚金風落孤衾玉露清蛩聲滿牀下夜夜歇  
愁城

將歸江東先有都下之遊

欲向家山老先謀築室資一門八口倍萬里隻身  
支燕市才多地屠兒誰復知筆花開更落難與世  
人宜

哭別張集庭墓

六載不相見思君當百年道窮如此日念爾若爲  
仙獨酌頻垂淚詩成祇自憐何堪萬里去風雨別

墳前

二

海內多詩伯如君復幾人  
偏師我有律避舍爾稱  
神文得生前賞交於死後  
真西風獨吟嘯慟哭向  
秋旻

別張視草

友義薄雲天家庭仗爾全  
嫂孀堅苦節姪幼更無  
錢架土惟黃石生涯少  
虎鉛何當知己散相顧一  
潛然

二

破壁未曾飛雞窓尚守雌文章有衣鉢空谷滯鬚  
眉醉草顛稱聖傭書窮特奇來秋看鵬鷲冲舉在  
明時

三

灑淚別相知憐君數太奇皇天開眼日之子出塵  
時勞客江湖慣閱身南北宜長安看花候期此會  
屠兒

畱別延靈張姪

別汝淚成行去畱皆異鄉殘編畱數卷此外物無  
長念叔謀生苦思親好自強青燈須奮志黃閣續

書香

贈別張華麓  
華麓善畫

燕市久馳名，文豪氣不爭。  
寫生真敵藻，作賦豈輸衡。  
鳥道三秋後，霜天萬里行。  
君歸花正暖，我向客中迎。

重九

竹葉無錢買，黃花依舊開。  
何人青眼着，送酒白衣來。  
玉斝空難醉，鄉心死不灰。  
老妻迎笑說，還有舊時醅。

二

牀頭須速煮，豪興仗君來。  
天地惟詩卷，江湖老酒杯。  
秋深梧葉盡，寒到菊花開。  
過此重陽日，天涯三十回。

客至

卧病因君起，高賢枉駕誠。  
茅簷堪促膝，斗酒話平生。  
勿藥身偏健，論文語欲驚。  
黃花滿幽興，秋月再來評。

賓至

未識荊州面，相親如弟兄。  
知予無夏屋，屏從訪蓬門。  
野性容疎放，虛懷失達尊。  
淹留具雞黍，欵欵話

黃昏

昆明春仲送燕友東還漢陽相期秋半仍入

滇南時燕友僑寓漢陽

燕士多慷慨如君復幾人歲寒敦友誼直道見先  
民壁立承甘旨心誠動鬼神天涯戀携手之子識  
予真

二

祖道一披襟交真可斷金鶯花送歸騎秋月聽車  
音春雨黔山滑黃梅漢水深長途好珍重書慰故  
人心

遣懷

深居宜懶性。技拙得閒身。紙上求陶柱。人間自漢  
秦。興酣酒無量。機到筆如神。生意雖蕭索。文章幸  
不貧。

久雨喜新霽

何幸瞻天日。陰霾盡掃除。雨開山到枕。雲破月歸  
廬。花氣浮蘭室。晴光曬腹書。譬如窮運轉。事事意  
俱如。

寫懷

遙死猶深媿。宗祧一綫無。箕山容野老。盛世自唐

虞、動覺違人意、羣言失事機、生平誰告語、深夜獨  
長吁、

二

肥遯乖吾素、逢人方寸違、生平無一是、老去更多  
非、宇宙如斯大、終身何所歸、深恩都寂寞、不覺淚  
沾衣、

九日

又到重陽節、深居酒一杯、地天常逆旅、身世獨徘徊、  
籬菊黃如舊、青絲白換來、登高興衰老、力盡望  
鄉臺、



贈陶思贊

剛介如吾友，肝腸雪乃親。眼從流俗白，清逼古賢人。逢世無奇術，交情獨入真。乾坤有正氣，自不厭長貧。

予欲還江南卜居金陵屬湯民先歸家先爲

治業

萬事心灰盡，鄉思三十年。居能爲我卜，老得及生還。梅圃兼修竹，魚池進小船。客來花下醉，無病卽神仙。

有都下之遊別昆明家室

禁淚已多日臨岐竟不收容從寒雨去家落異鄉  
浮南詔紅顏失燕臺白髮遊何當老並幼涕泗問  
刀頭

二

四海一伶仃心同醉不醒鬚因壯懷白眼向彼蒼  
青名賤交移舊時窮筆失靈客憂何處放踪跡老  
如萍

三

金碧走幽燕舟車路十千家浮南極下身去北辰  
邊星月雲端嶺江湖雪滿船此中行百日領畧大

山川

楊林道上

今朝赤水雨昨夜板橋霜  
客路於茲始依人未有  
方眼寬枯草木寒重薄衣裳  
寄語閨中婦征夫道  
正長

白水道上江右商人被盜資本一空有慨

一片悲涼地孤商資失全  
淚流燈下雨盜劫日中  
天刑法人知畏饑寒或使  
然書生安穩睡已盡杖  
頭錢

亦資孔道上

百折羊腸道登峰好着鞭長安萬里外紅日五雲  
邊白練飛丹嶂玄猿嘯碧天黔山第一座萬嶺此  
相連

普安道上

過去還驚險前峰迥百層山高一夜雨雞喚五更  
燈銀漢槎浮近青雲氣可凌圖南須有日燕雀笑  
鯤鵬

芭蕉關

天地暝幾合芭蕉雨滿關馬開前去路雲閉過來  
山橋袖冬都熟梧桐葉盡刪阮途窮不已未得老

身閒

老鴉關

雲凍正嚴冬、寒山蹊徑封、鳥飛絕、隻影人土欲千  
重、寂寞愁無緒、平生具有胸、凌霄仗雄劍、不用短  
扶筇

關嶺

石磴千盤上、窮高幾度還、猿啼五更月、眼底萬重  
山、最是英雄事、長留宇宙間、一回一瞻拜、空老汗  
吾顏

仰止高風處。名山亦姓關。人間畱勝跡。天上好躋  
攀。萬古雲屯地。千秋壯士顏。只今崇祭祀。不比漢  
陵閒。

三

忠義動乾坤。華巨尊至親。江山千易主。父子兩間  
人。死後無慚德。生前能致身。明良萬古事。懷想漢  
君臣。

犀牛潭

交趾源流迥。犀牛窟宅尊。水來天地動。潭受古今  
平。雪浪千層下。珠簾一片明。物靈藏處穩。恐出世

人驚

二

潭古深難測、濤聲入翠微、明珠天外落、白雪日邊  
飛、水色搖羣動、寒光上客衣、停輶一憑眺、頓覺此  
忘機

三

神物歸何處、潭幽絕是非、相傳藏水府、究竟世知  
希、傾倒波如逝、光明夜更輝、老僧能靜對、心地自  
皈依

四

那識湫流遠、山空響似雷、珠璣收不住、手腕落將  
來、去分多派、潭深未許猜、飽看心目爽、旅思一  
爲開、

葛鏡橋

夾岸崖千丈、江深萬里來、橋無通鳥道、水不走龍  
媒、自昔舟多覆、寒心渡一回、黔山處處險、此地葛  
民開、

二

天設眞奇險、舟車未易遊、橋能開萬古、名自足千  
秋、有徑排空出、無人不穩由、葛君功大處、直與地



爭流

三

天塹駕長虹田間一老翁千金家散盡萬世利無窮  
姓氏垂今古江山與始終當時軒冕貴獨讓爾成功

象鼻洞

造物不藏奇丹崖闢洞蹊象形垂鼻祖虎踞守門  
楣一柱天擎住千秋石不欹興高探奧穴雲霧手  
能披

華嚴洞

又到一蓬萊五丁着意開窟深龍卧穩人見佛如  
來花向空中落僧從天上回飛巖應不遠呼吸一  
家猜

油榨關

突兀臨雲表神開十里長馬難聯轡上關可百夫  
當萬仞登舟嶂千重達夜郎乾坤多險阻容易說  
興亡

江行雜咏

澗水釋征鞍江行身自安舟人已哺食吾夢正邯  
鄲削壁依牢岸飛鳧下急湍晷憐停棹處明月弄

洄瀾

二

萬水一河并，千峰夾岸行。  
急湍如羽疾，飛瀑自天傾。  
月正開江色，風多雜棹聲。  
鑑湖慚夕照，山水笑勞生。

三

孤客一舟輕，奔灘五夜聲。  
如何此流水，亦有不平鳴。  
日月隨波逝，江湖送我生。  
不堪萬里外，家室寄愁城。

四

江勢湧長虹灘聲驟雨中龍吟千峽月虎嘯五更  
風客路山還水心旌西復東不知天地內何處送  
吾窳

五

已去黔封遠輕舟真快哉水排平岸濶山讓狹江  
開楚國衣冠舊中原氣象來民居能覆瓦竹木亦  
多材

江邊夜泊懷先人亡弟不禁涕零

四海戰爭頻兵戎難裏身山川奇險處父子自相  
親念及垂雙淚重來只一人何當衰老去飄泊尚

迷津

二

永夜悲吾弟先君孱弱身如何稱長者不作太平  
人骨欲天涯朽魂來客夢頻叮嚀好調護萬里一  
逋臣

三

楚流不可竭江到萬峰開天地自今古山川隨去  
來老親虛月夜少弟落星臺無那千秋恨東流更  
不回

予欲移家武陵特訪汪曰吉方子榮錢鑑濤

喜晤漫賦

歸家不易得、老念武陵春、畫艇通姑熟、江南若比鄰、民烟十萬戶、知已兩三人、米價低千古、幽居更可貧、

二

萬里獨無親、憐予念故人、老思山水隱、窮識友朋真、涉世知才拙、從君結比鄰、買山錢不易、有賦未全貧、

卜隱武陵山居

山居行我素、懶性得從容、與世無爭獵、謀生且用

農。千竿孫子竹。萬本老虬松。最愛林逋舍。春寒香  
雪封。

二

四鄰落落布。精舍一家村。婦子各分職。桑麻我獨  
尊。不聞浮世事。那數舊桃源。筋力衰年薄。難承人  
世恩。

三

山色逐柴門。花開香一園。關心督士女。每夕數雞  
豚。擊楫看漁火。尋鄰過別村。翻嫌茲野老。加意待  
王孫。

六〇  
車馬長安盛。桑麻此處深。各天承雨露。避地入雲  
林。月到虛齋靜。門無豪客尋。閒時奏流水。原不望  
知音。

四

過洞庭

洞庭真大壑。萬派匯三秋。收盡西南水。來歸東北  
流。槎浮星漢上。湖載地天舟。最喜開懷抱。乘風破  
浪遊。

二

四面白無地。兩間青有天。山疑拔水出。帆欲落雲



邊不辨東南圻，惟看星斗懸。詎徒帶吳楚，直可達幽燕。

三

洞賓三醉此，望斷岳陽樓。鐵笛何嘗奏，征夫獨枕流。乾坤波上下，日月浪沉浮。最是無情物，千秋萬古愁。

四

洞庭詩萬首，孰與杜襄陽。夫子高前古，吾徒欲及牆。百杯三數首，一字十更張。不是推敲細，才疎未敢狂。

君山

月淨開湖面青巒出碧天真能撼巨浪翻似泊樓  
船練色空無底山根勢若懸從來稱勝概澤國此  
中偏

二

一望無涯際中流忽有巔湖疑天作底山以水爲  
緣海外稱蓬島漁家此地仙千秋一砥柱鎖鑰最  
爲專

湖上感懷

萬古巴陵水奔騰吳越連帆懸千葉直天匝一湖

圓水溜遲來，槳風多速去。船翻岳陽下，簫鼓泊當年。

贈丘廣平

邂逅久知名，相逢如故人才。堪分八斗，舍欲避三秦。眼似山青少，腸能雪白真。同舟期共濟，意氣獨相親。

黃鶴樓

黃鶴歸何處，白雲長在空。笛虛千古月，梅落一江風。仙去烟霞外，樓登想望中。人家圍百萬，名利古今同。

二  
人高乘鶴去，樓敞耐雲棲。身世三台外，乾坤一氣  
齊。江牽吳楚狹，城入漢陽低。最愛懸明月，清宵一  
再梯。

管鮑分金處

千古高風處，猶存管鮑名。分金多自取，知己反爲  
平。雨雪涼涼日，書生踽踽行。叔牙今更在，得與執  
鞭榮。

除夕渡黃河

除夕黃河口，艱辛萬里人。此時渡行李，何處歇車

輪有酒難賒客無椒可獻親  
早投茅店宿元旦又  
風塵

二

星宿河源遠千秋幾度清  
從南累月到去北獨宵  
征長缺烟波發前村暮火明  
愁聽除夕處爆竹一  
聲聲

除夕宿亢村驛

茅店破愁情慙懃似至親  
夜分新舊歲杯勸往來  
人客路心宜醉吾家梅自春  
相逢不相識羅拜賀  
風塵

比干廟墓

國事如傾厦。忠心欲一夫。死難後暴主。生不見周師。地厚墳同永。天高名與期。披鱗甘瀝血。千古想鬚眉。

古朝歌

傷心斲脛河。傾圯古朝歌。有地無殷主。更名換代多。滿天雨雪意。獨自敝裘過。惟是三仁者。千秋石不磨。

岳忠武祠

議戰將軍意。知予堪滅金。祇因忠宋室。遂失相臣

心官子復何益。風波寃已沉。千秋畱廟貌。拜罷淚難禁。

姜里

羲皇成畫後。誰復闡精神。天意開周易。荒城繫聖人。三年烹孝子。一物釋純臣。姜里悲涼地。文碑萬古新。

確山道上喜雨新霽兼贈楚制帥李蒲陽

久雨欣新霽。春光出九圍。雲開天地色。日耀節旄輝。淑氣兼人爽。晴巒帶雪稀。今朝喜行役。一路柳依依。

二  
雨歇千山外晴霞上海東有天懸化日無地不春  
風節使諮諏切民生饑溺同陽和敷萬彙調燮仗  
元公

洞庭中秋夜月

高秋一片月。八月洞庭波。白雪歸懷抱。青霄落浩  
歌。嫦娥呼欲出。桂影看婆婆。湖水大觀處。今宵領  
畧多。

二

寶鏡懸天外。清風一葉舟。不辭節制府。辜負洞庭



秘練色開千頃。村醪散百憂。庾公武昌月。千古自  
風流。

題王太守美堯祠堂

寃猛能爲政。如君復幾人。甘棠灑草野。夜氣絕金  
銀。國士蒙知己。情文感極真。千秋遺像在。瞻拜淚  
沾巾。

二

爲愛蒼山好。琴書幾度遊。祇今前父老。還憶舊諸  
侯。客禮容疎放。虛懷每就謀。低徊未忍去。誰得似  
風流。

蒼山

素練山巒起。蒼峰不肖青。淒然秋月色。終似白雲停。  
頑石尊中嶽。開天一畫屏。會當臨絕巘。感嘆勒爲銘。

題贈姜青藜將軍蒼山出獵圖

于田千古事。鎖鑰仗將軍。時練貔貅士。非負驃騎勳。  
射雕仍緩帶。汲羽落高雲。長使狼烟熄。先生報聖君。

送葉榆司馬王雨蒼陞任河南太守

自古臣匪易。今朝守令難。如君真不媿。濟猛善行

寬有鶴隨琴去。攀轅留犢看東鄰。與南詔何幸得  
清官。

二

借寇未通融。王曾去洛東。琴仍携伴鶴。袖足兩清  
風。有政皆遺愛。誰人不戀公。緬懷清白意。海月得  
無同。

三

洛邑帝王鄉。澄清名伯良。是民都卧徹。無士不倉  
皇。萬里甘棠樹。千秋蒼洱香。聖明重南顧。旄節望  
巖疆。

中和山同人雅集

碧水丹山上。諸天拱北辰。英才羣弟子。高閣集同人。別有神仙府。何如漢苑春。畫圖收不盡。氣象百端新。

二

古狂原自命。今日更酣歌。綠水青山裏。白衣蒼狗多。及時行樂處。百歲待如何。事業輸年少。頭顱我欲髡。

三

景色來天地。傾懷樂友生。湖開長鏡面。雲鎖舊王

城席有賢人主。愁銷聖者清。幽期還不盡。秋月再  
同行。

四

勝友齊登閣。才豪多妙年。龍頭須屬老。鷗羽盡冲  
天。玄武堂前客。瀛洲誰不仙。文章箇箇好。應付老  
夫傳。

三  
塢寺

不是真幽賞。胡爲幾度遊。鐘能醒醉夢。山不老春  
秋。雪點諸峰古。圖多七級浮。豪吟傾百斗。箕踞獨  
風流。

二

人民城郭事。劫火幾番非。古寺塏三在前朝樹。十  
圍山來秋雨後。霞薄海天飛。何待支公偈。吾心久  
息機。

遣懷

已飽蒼山雪。吾胸冷似冰。平生自疎濶。老去肯趨  
承。養拙貧安分。無才賤合應。祇知適野性。原不問  
沉升。

葉榆除夕和十唐人

賂賓王

解年全意懶風力洗窓塵昆海非鄉國蒼山又早春  
歸家魂夢雜換歲客愁新便使熊羆叶其能靠  
老親

孟浩然

空負此詩書田園蕪故廬客情涉世懶養病喜人  
疎雙鬢前年白三更又夕除縱然能夢卜衰老一  
生虛

杜甫

到處是吾家梅開處處花何須燃烈炬一任穩棲  
鴉物我各相得星河不覺斜人生適意好忘却在

天涯

丁仙芝

不是逢佳節吾生合掩扉  
旅懷酣濁酒故國醉鄉  
歸老去詩偏健機來思入微  
忽然雙淚落何處見  
慈幃

戴叔倫

失歲過中壽一門誰是親  
我羅多難日世盡太平  
人萬里頻除夕三更獨此身  
從來消遣法全仗  
頭春

王諲



年華那異舊白髮自相催倘得生長在何妨歲去  
來思家成不寐無睡夢難回三徑今誰在何人賞  
老梅

韋莊

已浮多大白百斗酌還頻不醉三更酒難忘萬里  
身要荒同正朔故國自宜春遙念所親者應憐作  
客人

曹松

家家喧笑語羈客那堪聞天未開青眼人空嘆歲  
分才疎合屈蠖志大不凌雲最是傷心事深恩未

報君

劉禹錫

壯年空復爾。老去意如何。  
百歲翁原少。吾生半已多。  
乾坤終草莽。日月任蹉跎。  
祇念君親重。浮雲富貴過。

羅隱

天地同風氣。孤懷何處傾。  
性剛柔不得。歲去運難更。  
有位安其素。虛心無不平。  
糲糊沉麴蘖。何必太分明。

中秋

最是中秋月。從來不世情。華堂能雪白。茆屋亦霜  
清。客緒原無寐。相看到徹更。誰家貴公子。領畧得  
分明。

遣懷

吾自率吾真。狂歌酒百巡。文章不售世。褊急少宜  
人。近得聞生死。諸凡聽鬼神。年來塵事絕。頓覺病  
回春。

送諸子下第歸里

諸子多英特。皇天未眼親。老夫不同道。文字自知  
神。努力攻吾業。歸家慰兩人。鵬搏應有日。豈久困

九塵

遣懷

襁褓頭垂白。坎坷愁病全。自來人世上。未結太平緣。天地無私惡。吾生少福田。最憐遲暮日。客路一年年。

二

生死尋常事。榮枯似弈枰。百年能幾日。多此不平鳴。身世浮雲變。人心頃刻更。拂懷須順受。天地自無情。

三

天涯西復東老去不知終晚運窮將極吾詩媿未  
工誰人青隻眼顧盼白頭翁爲念千秋上礮溪有  
太公

九日雨雪

雪凍重陽日炎方更是奇地隨天欲轉貧與賤非  
宜骨徹寒難禦錢無人不支幾家足衣褐輕煖未  
應知

懷王雨蒼太守

每日苦相憶勞人腸九迴附鴻問訊去望鯉寄書  
來古道懷風雨清操曠世才忠臣須孝子一起便

三台

二

洛陽何不幸孝子去河東慈母人人戀攀轅處處  
同中州棠滿野洱海樹清風此日稱廉吏焉能不  
念公

三

軒蓋於今盛吾懷傾幾人先生清白吏性命友朋  
真諾不移金石心堪問鬼神世情慵懶甚不覺到  
君親

四

亦知君念我頻到夢魂來月落疑顏色雞鳴每告  
回漁樵容野老舟楫仗公材風雨三年別襟懷何  
日開

挽程士源父子

父子俱淪沒隻墳天一涯故人流盡淚生死不歸  
家門戶支孀媳螟蛉獨女娃冬青無一樹冷落夜  
啼鴉

又挽程士源

造化無情甚天涯哭死歸先生地下去古道世間  
稀父子悲長夜春秋失所依人生那百歲我老亦

無幾

二

未得撫棺慟。於今心不平。驅饑賣賦去。垂老闕交情。天借修文重。人畱善士名。年來惟閉戶。懷更向誰傾。

志喜

杜門踰四月。車馬絕臨門。最喜能清淨。於今除病根。不青人世眼。浮白自家樽。更有少陵句。心頭細細論。

二



晚年多病後好靜喜局門人世風雲幻吾心仁義  
根白頭刪雜念綠蟻不空罇此種真幽勝惟同智  
者論

寫意

豈是逃名客三年病未完地天容此老人世或能  
寬况乃無才拙伊誰許我干譬如昨日死幾箇撫  
吾棺

同劉方舟杯酒論詩卽事

紀歲過中壽吾懷幾度開未知日後事且盡眼前  
杯沉醉羲皇去論詩朋友來興高心賞處自有長

卿才

寫懷

托跡在殊俗。飄飄愧此身。祇因思嗣續。空復負君親。  
用拙安吾素。投閒畏要人。敢諫今日見。古者不為臣。  
舊遊有驟至顯位者。招余一晤。余不果往。

挽故方伯

慘澹陰雲合。西風捲白沙。精靈一夜落。哀動萬人  
家。北極青編簡。南中罷坐衙。知公英爽在。百世護  
天涯。

二

從無兒女計疾革念朝廷天上星歸宿人間地失  
靈芳名畱宇宙哀詔惜遐齡自有麒麟畫書生安  
用銘

謝寇敏伯

老不敵寒暑連年病百更去秋能起死今歲又回  
生藥物世何異君臣理獨明最堪刻骨處無利亦  
無名

二

吾子刀圭妙岐黃理入神廿年交水淡百計活予  
真造化隨心轉膏盲有路尋何如所親者相視越

秦人

哭先大人

先子辭今世悲涼二十年未能生有養那更祭無  
田異域一坏土斜陽萬里天幾回深欲絕似續未  
曾傳

哭亡弟

不愛華廡好箕山甘沒身早辭今世上不負舊時  
人遺語還鄉國忠魂傍老親千秋周處士誰與汗  
青真

彭孝頤枉駕值予採藥山中有闕展待留詩

壁間口占走謝并邀過從

歸自雲山外空聞之子來  
畱賢無地主採藥入天台  
黃絹新辭妙荷衣帶月回  
論文還過從尊酒待追陪

五日

蒲劔原無利何嘗斬客魔  
硯田羈帥府酒伴失烟蓑  
社夥喧塵市蛟龍鬪大河  
未能心目爽辜負一年何

二

制府逢佳節蕭然酒一卮  
強收如淚雨點滴入心

牌遙念閨中婦，翻疑雲隔泥。如何歌吹樂，不比在家時。

劉方舟於壬午之秋下榻余齋三月，杯酒論文，相得甚歡。今三歲矣，方舟爲制府所招，未得一晤，故賦短章寄懷。

才子輝蓬華，三年魂夢賒。傭書同制府，

時余亦館於制府

咫尺隔天涯。何日重携手，論文剪燭花。倡予和明月，狂笑野人家。

慰問劉方舟抱恙

孰是真知己，相知無不知。聞君多病日，念爾想家

時有命安其素開懷不用醫人生幾歲月何事歛  
雙眉

深秋咏懷

丹桂滿庭香。黃花欲吐芳。人酣金氣爽。天入狹江  
長。露老三秋葉。霜歸萬樹涼。乾坤蕭索甚。衰白在  
他鄉。

二

海內秋蕭瑟。吾鄉風景涼。蟬肥香稻熟。酒綠菊花  
黃。尊膾非常味。寒潭異樣光。當時忽畧過。天外漫  
思量。

重陽陰雨

蓬徑原荒僻誰人送酒香日藏天氣閉菊蕊淚開  
忙帽不除風雨頭須護雪霜國山登眺處昨夜在  
家鄉

二

五柳高風古菊花酒一杯先生撫茲景陶令欲呼  
來朗誦前人集歡顏逐菊開可憐歸未得風雨滿  
蒼苔

論文

此日論公道論文亦各私不延時輩譽畱得後人



思真摯還高卓精神更峭竒理明才歛法透關乃  
爲宜

偶成

何事最爲樂長歌酒一卮詩成獲異寶醉裏太平  
時此後如何者從今未可知世間不了事百歲了  
無期

除夕

鬚已前年白如何旦又元寸心渾是淚沉醉未辭  
樽時序三更換鄰人一夜喧可憐驚客夢不得到  
家園

洞庭中秋

最是中秋月、隨湖滿洞庭。光如晝日白、天入碧波青。愛此景何限、當杯酒莫停。浩歌發清興、客慮散滄溟。

余五十三歲復遊南詔老未舉子同人以蒼山之神多靈異屬予卜吉齋祓往禱其祠感而漫賦

幾度遊蒼麓、今番五十三。自慚無厚德、何敢望多男。一線畱於後、中年死所甘。神其靈啓佑、名利久無貪。

不寐

通身都困極，惟目轉分明。  
刺骨嚴霜意，鑽心戍鼓聲。  
願天皆永日，無夜便長生。  
二豎情何厚，相纏到五更。

水仙花

不喜泥塗裏，亭亭立碧沙。  
滋培一勺水，偏愛野人

家。仙子迎春早，桃前特等花。

顏潛庵詩云：桃前梅後，獨迎春。昔人又

云：水仙與宮梅定等。

冰肌原別樣，香自壓凡葩。

香壓茶蘼

二

花仍開口笑，根不受泥臟。  
以此非凡卉，於海無短

長骨惟有道直風自送仙香昔人謂水仙為仙風道骨我欲食

之久蓬湖作宦鄉湯尺華陰人服花八石得為水仙為河伯

遺意

何必窮盤谷無營心自幽眼前多勝事身世似虛舟  
雨潤花能細風扶柳會柔忽然思一醉呼婦煮  
牀頭

客至

酒伴啄彘來呼童速煮醅雨隨農意足花向故人  
開近日詩無度奇文讀快哉荷衣無異味竹葉下  
鹽梅

雷雨卽事

忽地如昏夜天沉黑不開山  
隨雲雨去風捲塞塵來  
鬯喪雷聲下心驚電火回  
此時名利客得失意俱灰

詩成

世上多才子慚予無別才  
詩從真處得靈自性中  
來老嫗通能曉巴人不用猜  
天涯消遣法惟此共  
啣杯

遣懷

謝陰陽里三才古所常  
死生如晝夜天地豈悲

造物何思慮。人心多跳梁。誰能違命數。富貴壽  
無疆。

二

吾身無是處。事事未分明。燕翼思其後。鴻毛死未  
輕。仇都忘此世。恩已負今生。樵牧方深愧。何多有  
不平。

重過故園

亭榭依然在。朱門牆未頽。故人皆去去。春色自來  
來。草會空庭綠。花仍隨意開。馬嘶羣不見。如喚舊  
龍媒。













